

四庫全書

史部



欽定四庫全書

明會典卷一百六十八

大理寺

國初置大理司正三品衙門設卿少卿丞洪武元年革十四年復置始改為大理寺正五品衙門其屬置左右二寺設左右寺正左右寺副左右評事及審刑司官十九年審刑司革二十二年復陞正三品衙門二十六年設司務二十九年寺復革後改寺為司永樂初復為寺



設官仍舊

諸司職掌

本寺官其所屬二寺官職專審錄天下刑名凡罪有出入者依律照駁事有冤枉者推情辯明務必刑歸有罪不陷無辜

審錄囚人叅詳罪名

諸司職掌

凡刑部十二部都察院十二道五軍都督府斷事官五



司問擬一應囚人犯該死罪徒流者具寫奏本發審答  
杖罪名者行移公文發審另行入遞預先差人連案同  
囚送發到寺照依該管地方先從左右寺審錄若審得  
囚無冤枉者取訖各囚服辯在官案呈本寺連囚引領  
赴堂圓審無異取據原問衙門司獄司印信收管入卷  
將囚連案責付原押人收領回監聽候發落候遞到各  
項奏本公文到寺將奏本抄白立案務要仔細叅詳情  
犯罪名比照律條如罪名合律者准擬本寺依式具本



同將原來奏本繳送該科給事中編號收掌然後印  
押平允回報原衙門如擬施行如罪名不合律者依律  
照駁亦依式具本將原來奏本繳送該科收編駁回原  
衙門再擬如二次改擬不當仍前駁回議擬候三次改  
擬不當照例將當該官吏具奏送問或中間招情有未  
明者必須駁回再問若公文不必抄白就即立案其叅  
詳罪名准擬合律照駁不合律及送問等項並如前行  
若審得囚人告訴冤枉果有明白證佐取責所訴詞狀



案呈本寺連囚引領赴堂圓審相同將囚連案依前發回原問衙門聽候發落待奏本公文到寺將原來奏本依式具本如前繳送該科公文止留本寺立案然後仰令左右寺抄案備開囚人供詞行移隔別衙門再問若二次審異者再取本囚供狀在官照例具奏會同六部都察院通政司等衙門堂上官圓審回奏施行

合律照駁式

大理寺卿

臣

某等謹奏為李甲告不應事刑部某部問



擬李甲等一十六名數內合律一十五名不合律張丙  
一名有照駁謹具奏聞

一照駁

前件本寺照律張丙合得計贓准竊盜一貫之上律杖  
七十罪無出入其刑部某部却依不應律笞四十未審  
故失已出張丙杖罪三十所據不當官吏除尚書某侍  
郎某取自上裁其子部某部官吏某人合送法司問罪  
仍令改正



一准擬

事內干連人王乙等各得笞罪十名陳丁等合得杖罪四名李甲一名無罪釋放

洪武 年 月 日

審異式

大理寺卿臣某等謹奏為某事某衙門問擬某人一名審問審異原招某囚合隔別衙門再問謹具奏聞

洪武 年 月 日



二次審異式

大理寺卿

臣

某等謹奏為某事某衙門問擬某人等二

名除審擬允當外數內某人一名先為某衙門具本發  
審若原係公文者則云公文發審本因告訴冤枉取責  
供詞在官已經照例行移隔別衙門再問去後今據某  
衙門發審仍前執稱冤枉除再取供詞在官外本因合照  
例會各衙門堂上官圓審謹具奏聞

准擬某人合得某罪一名



洪武 年 月 日

事例

洪武間令刑部都察院五軍斷事官所按輕重獄囚連案牘俱送左右二寺覆審冤濫然後送審刑司評駁是非復轉送磨勘司磨考當否以聞後革去二司諸司刑獄惟二寺分審其屬在京諸司及直隸衛所府州縣者右左寺審之屬在外十三布政司都司衛所府州縣者右寺審之今分審地方屬南北兩京五府六部內府京衛



等衙門并未出京長史司者送左寺屬應天順天二府  
南北直隸衛所府州縣并在外浙江等布政司都司衛  
所邊衛外夷者送右寺

左寺帶管衙門

六科

光祿寺

尚寶司

中書舍人

承運等十庫

宗人府

五府

六部



都察院

通政使司

詹事府

翰林院

國子監

太常寺

太僕寺

鴻臚寺

行人司

太醫院

欽天監

上林苑監

五城兵馬司

未出京長史司

都稅司

太倉等倉



大興隆寺

臺基殿

錦衣衛

旗手衛

府軍衛

府軍左衛

府軍右衛

府軍前衛

府軍後衛

羽林左衛

羽林右衛

羽林前衛

金吾左衛

金吾右衛

金吾前衛

金吾後衛



虎賁左衛

燕山右衛

燕山左衛

燕山前衛

大興左衛

濟陽衛

濟州衛

通州衛

彭城衛

永清左衛

永清右衛

武功左衛

武功右衛

武功中衛

武驤左衛

武驤右衛



騰驤左衛

騰驤右衛

江淮衛

濟川衛

留守中衛

留守左衛

留守右衛

留守前衛

留守後衛

神策衛

應天衛

和陽衛

廣洋衛

牧馬千戶所

驍騎右衛

鎮南衛



龍虎衛

龍虎左衛

龍江右衛

瀋陽右衛

瀋陽左衛

水軍左衛

水軍右衛

英武衛

龍江左衛

虎賁右衛

武德衛

廣武衛

龍驤衛

飛熊衛

天策衛

豹韜衛



豹韜左衛

興武衛

犧牲所

鷹揚衛

江陰衛

橫海衛

義勇左衛

義勇右衛

義勇中衛

義勇前衛

義勇後衛

武成前衛

武成中衛

武成後衛

忠義左衛

忠義右衛



忠義前衛

忠義後衛

神武左衛

神武右衛

神武後衛

大寧中衛

大寧前衛

蔚州左衛

富峪衛

會州衛

寬河衛

牧馬千戶所

右寺帶管衙門

順天府并合屬州縣



應天府并合屬州縣

北直隸府州縣并衛所

南直隸府州縣并衛所

大寧都指揮使司

萬金都指揮使司

長陵衛

景陵衛

獻陵衛



裕陵衛

孝陵衛

浙江都布按三司并府州縣衛所

江西都布按三司并府州縣衛所

湖廣都布按三司并府州縣衛所

福建都布按三司行都司并府州縣衛所

廣東都布按三司并府州縣衛所

廣西都布按三司并府州縣衛所



四川都布按三司行都司并府州縣衛所

雲南都布按三司并府州縣衛所

貴州都布按三司并府州縣衛所

河南都布按三司并府州縣衛所

陝西都布按三司行都司并府州縣衛所

山東都布按三司并府州縣衛所

山西都布按三司行都司并府州縣衛所

邊衛

外譯



永樂七年以來凡兩法司囚犯大理寺官每月引赴承  
天門外行人司持節傳旨會同五府六部通政司六科  
等官審錄輸情服罪者如原擬發遣其或稱冤有詞則  
仍令有司照勘推鞠 十四年遣御史分按各道罪囚  
罪重者送京令大理寺詳讞 十七年諭都察院等官  
布政司按察司所擬刑名其間多人命重獄恐有差誤  
所以俱令具奏轉達刑部都察院參考仍發大理寺審  
刑司詳擬已著為令今後直隸府州縣所擬刑名令一



體具奏 十九年奏准刑部都察院問擬囚犯仍照洪武年間定制送本寺審錄發遣 天順二年令每年霜降後該決重囚刑部都察院及本寺會官審錄 八年詔一應囚犯有奉旨推問者必須經由本寺審錄無得徑自叅奏致有枉人 成化十四年奏准每年會官審錄之時各該原問衙門將見審重囚姓名開報本寺原審并接管官會審如囚人稱冤即按原卷從衆叅詳 十七年命司禮監太監一員會同三法司堂上官於本



寺審錄罪囚以後每五年一次著為令 弘治三年奏  
准兩法司囚犯有奉旨來說者問擬明白仍具本發本  
寺審錄奏請若係機密重情不可漏泄者徑自開具招  
由奏訖仍發本寺審錄

凡兩法司發審罪囚本寺承行歷事監生即於來文上  
粘小方紙一幅橫列本寺少卿寺丞之姓於上寺正寺  
副及該掌行評事之姓於其下若奏本粘於護紙上連  
囚犯先送評事看詳審覆若情詞不悖議擬相符囚犯



服辯文移停當即書允字於其姓之下其或情詞有異  
議擬未當囚犯審異文移舛錯則直隨其事明白批之  
次以傳於寺正寺副各批訖承行監生呈於卿少卿寺  
丞復各看詳若可允即各書行於其姓之下不然亦隨  
事批下該寺附案候圓審相同或叅駁或調問各依諸  
司職掌定制施行

請旨發落

諸司職掌



凡律內該載請旨發落者本寺開寫犯由罪名奏聞取  
自上裁即將奉到旨意於奏本年月後批寫訖就寫某  
官批於下押字其餘有奉旨意者亦同此例批寫訖回  
寺立案備云前項旨意於平允內開寫回報於各衙門  
施行

詳擬罪名

諸司職掌

凡在外都司布政司按察司并直隸衛所府州一應刑



名問擬完備將犯人就彼監收具由申達合干上司都司并衛所申都督府布政司并直隸府州申呈刑部按察司呈都察院其各衙門備開招罪轉行到寺詳擬凡罪名合律者回報如擬施行內有犯該重刑本寺奏聞回報不合律者駁回再擬中間或有招詞事情含糊不明者駁回再問

事例

弘治元年奏准內外問刑衙門議擬囚犯律無正條情



犯深重者引律比附奏請定奪不得一概俱擬不應供招之外不許妄加叅語違者在內科道官糾劾在外巡按御史叅究御史有違者本寺查究

月報囚數

諸司職掌

凡本寺每月審過刑部等衙門一應囚數分豁死罪徒流杖笞等項罪名置立印信文冊著令架閣庫典吏日逐明白附寫候至月終通類具本奏聞



事例

每半月本寺將審過囚犯并刑部都察院原來奏本通類封裏屬官賫捧堂上官於御前面奏詳審過審擬合律若干名先行回報原問衙門依律照例發落某人等若干名照依欽奉聖旨發落問招不明駁回再問擬罪不當照駁再擬若干名并本寺日報囚數奏本送科弘治十五年奏准本寺將在內審錄囚犯并在外轉詳罪名各自具本封進以便查看



類奏南京罪囚

事例

永樂以後南京大理寺所審徒流已上罪囚先移文回報原問衙門每季差官類奏請旨發落成化六年以後俱經本寺復詳其情罪允當者通類奏請回報該寺施行其不當者照例駁回再問

處決重囚

諸司職掌



凡本寺審過刑部等衙門死罪囚人犯該十惡決不待時者每月具本覆奏聞訖移文回報各該衙門處決不係十惡者待秋分後覆奏處決

事例

洪武十九年詔應死重囚俱令本寺覆奏聽決 永樂三年令處決重囚既覆奏仍錄所犯情詞封進四封進之後再得旨然後處決

凡發審罪囚有事情重大執詞稱寃不肯服辯者具由



奏請會同刑部都察院或錦衣衛堂上官於京畿道問  
理奏請發落

審錄在外罪囚

事例

正統六年令本寺選差屬官與刑部都察院官請勅於  
南北直隸各布政司會官審錄罪囚 成化四年奏准  
差本寺寺正及刑部郎中等官往南北直隸會同巡按  
御史審錄 八年定為常例每五年一次法司請勅差



官往兩直隸各布政司審錄見監一應重囚真犯死罪情真無詞者仍令原問衙門監候呈詳待報處決果有冤枉即與辯理情可矜疑者陸續奏請定奪雜犯死罪以下審無冤枉即便發落

南京大理寺

事例

本寺左右二寺帶管衙門與在京同

凡本寺詳審過輕重罪囚每三月一次類奏聖旨就於



本寺奏本上批出欽遵發落成化六年以後奏本俱經大理寺覆奏得旨發落

凡會審囚犯每五年守備太監奉勅會同南京刑部都察院於本寺審錄每年霜降後本寺會同南京五府六部都察院通政司科道等官於京畿道審錄若京畿道有刷卷御史亦在本寺會審

凡本寺每日審過囚犯平允勘合仰貫城鋪鋪兵領送通政司掛號分送刑部都察院衙門大理寺平允勘合



本寺差辦事吏送通政司掛號施行

明會典卷一百六十八



欽定四庫全書

明會典卷一百六十九

太常寺

國初置太常司正三品衙門設卿少卿司丞博士典簿協律郎贊禮郎司樂大祝等官職專祭祀之事洪武三年又置神牲所設廩犧令大使副使等官四年神牲所革七年設典樂二十四年設奉祀祀丞三十年改司為寺司丞為寺丞三十五年大祝革



事例

凡每歲祭祀日期本寺官預於舊歲十一月初一日奉  
天殿具奏

凡每歲十二月初一日駕詣郊壇看牲本寺官與禮部  
官導行自後各堂上官以次看牲本寺預取職名具奏  
仍各具手本知會

凡大祀天地先於奉先殿恭請太祖高皇帝太宗文皇  
帝配享前四日本寺官進祝板及銅人并上殿奏齋戒



是日同禮部官詣城隍廟發咨文次日同復命

凡大祀天地各壇分獻官本寺預取職名具奏請旨照  
定各具手本知會仍揭榜於神樂觀前通知

凡時享太廟前三日本寺官進銅人并上殿奏齋戒前  
一日同光祿寺官奏省牲次日同復命

凡祀社稷前四日本寺官進祝板銅人奏齋戒前三日  
同光祿寺奏省牲次日同復命

凡祀山川等神前三日本寺官進銅人奏齋戒同禮部



官詣城隍廟發咨文次日同復命仍同光祿寺奏省牲  
次日同復命

凡奏齋戒日即於長安左右門出告示知會

已上祭祀儀注俱見禮部祠祭清吏司職掌

凡薦新品物每月本寺官於御前奏過送光祿寺供薦  
品物數目見禮部祠祭司

凡各陵寢宮觀等處如遇祭祀供養日期合遣官行禮  
本寺官先期具奏



凡冊立冊封冠婚等項祭告天地太廟社稷本寺俱先具奏至期遣官行禮

凡親王之國并來京還國俱告祭于承天門外謁辭陵寢并合祀旗纛等神各有祭祀俱本寺掌行

凡營造宮殿等項祭告天地山川太廟社稷后土司工立木告成及修造在京廟宇橋梁各有祭祀俱本寺掌行

凡歲時旱潦及命將出師等項祭告天地山川太廟社



稷俱本寺掌行

計犧牲所喂養各壇每年合用牲口

牛犢一百六十五隻

北羊三百五十二隻

山羊九十九隻

猪五百口

鹿二十五隻

兔一百五十隻



計養牲草料

菜豆九百石

黑豆六百五十石

黃豆一百石

糯稻穀二百石

細草五萬包

豆稽二萬五千斤

計各壇每年合用香帛等項



各色制帛九百五十六段

降真等香三千九百五十斤

黃蠟三千斤

木柴四萬四千七百斤

鈔三十萬貫

銅錢六十萬文

計每年各壇合用柴炭

天地壇柴二萬五千斤燒香炭一千一百斤



太廟每祭柴一萬三千斤

歲暮加一千斤

社稷壇每祭柴三千斤

山川壇柴一萬一千斤

文廟柴二千八百斤

凡每年給賞樂舞生并厨役物件本寺俱先期面奏

樂舞生該給淨衣布絹白綿數目具神樂觀

計厨役該給

濶生絹七百足



濶綿布七百疋

白綿三百五十斤

鈔二萬一百四十貫

凡每日督令壇戶於天地壇內外巡視至天庫神庫齋  
宮及西天門各三名守宿并每月初二十二二十二日  
三次令厨役打掃殿宇等處

凡本寺官吏俸糧舊於禮部帶支後奏准本寺自行收  
支



南京太常寺

事例

凡每歲祭祀孝陵三祭并行香四次懿文陵九祭五祀  
六祭歷代帝王廟一祭先師孔子二祭并朔望行釋菜  
禮中山武寧王五祭功臣廟五祭忠烈武順昭靈嘉佑  
王等廟五祭普濟禪師一祭真武廟二祭天妃宮二祭  
祠山廣惠王廟蔣忠烈王舊廟壽亭侯廟俱二祭五顯  
靈順廟一祭



凡合用祭品

香燭帛本寺庫支

牛羊等牲南京臬牘所支

時果豆粉等應天府買辦

麪醬醋等藉田祠祭署支

酒南京光祿寺支

凡各處解到薦新品物

計送南京光祿寺供薦



正月

韭菜一十斤

生菜一十斤

薺菜一十斤

雞子三百箇

鴨子三百箇

二月

芹菜七斤

蔓菜一十五斤

蔓蒿七斤

子鵝二十二隻

三月



茶

笋一十五斤

鯉魚二十五斤

四月

櫻桃一十五斤

杏子一十八斤

青梅二十斤

王瓜一百八十箇

雉雞一十隻

猪二隻

五月

桃子一十五斤

李子一十五斤



又夏至李子五十斤 來禽一十五斤

茄子二十五箇 大麥仁四斗

小麥麪八十斤 小麥仁五斗

嫩雞二十隻

六月

蓮蓬一百六十箇 甜瓜三十箇

西瓜三十箇 冬瓜一十八箇

七月



棗子一十二斤

葡萄一十二斤

雪梨二十斤

鮮菱一十二斤

芡實一十斤

八月

藕三十枝

芋苗二十斤

茭白二十斤

嫩薑二十五斤

粳米三斗

粟米一斗

粳米二斗

鰕魚一十五斤



九月

橙子二十斤

栗子二十斤

小紅豆三斗

砂糖一斤八兩

鰯魚一十五斤

十月

柑子二十五斤

橘子二十五斤

山藥四十斤

活兔一十隻

蜜一斤



十一月

甘蔗一百三十根

鹿一隻

獐一隻

鴈一十五隻

蕎麥麴四十斤

小紅豆一斗一升

黑砂糖一斤四兩

十二月

菠菜二十五斤

芥菜二十五斤

白魚四十斤



計解送太常寺轉送光祿寺供薦

二月

子鵝二十隻

三月

笋一十五斤

四月

青梅二十斤

七月



雪梨二十斤

八月

茭白二十斤

九月

橙子二十斤

十月

柑子二十五斤

十一月



甘蔗一百三十根

餘月無

凡本寺犧牲所牲口合用草料等物喂養計

菜豆六百石

黃豆二百石

糯稻穀五十石

稻草一萬五千包

酒糟七萬五千斤



米糠九百五十石

麩皮九百五十石

凡各壇廟等處每月本寺督令鋪排厨役打掃天地壇初二  
十二二十二日三次太廟初十四二十三十四日四次  
孝陵十三二十九日二次

凡天地壇原設壇夫一十五名俱應天府屬縣僉充  
凡各廟廟戶十廟十名帝王功臣廟三名龍江廟三名  
蔣忠烈王等四廟各一名天妃宮十名



凡皇陵祖陵楊王墳徐王墳四祠祭署俱附籍本寺免  
附州縣

凡皇陵朔望供祀洪武九年令用少牢

凡祭功臣洪武二十年令軍官首領官陪拜

凡本寺原額鋪排二十四名廚役二百四十名



明會典卷一百六十九



欽定四庫全書

明會典卷一百七十

詹事府

國初設東宮官屬有同知詹事院事副詹事左右詹事詹事丞左右率府使副使同知左右率府事諭德贊善文學中舍正字侍正洗馬庶子等官皆以勲舊大臣兼之不別設府僚又改贊善為贊善大夫設贊讀洪武十年置通事司設司令司丞十四年設左右司直郎十五年



置左右春坊設大學士又置司經局設洗馬校書正字  
二十二年以各衙門無所統屬始置詹事院二十三年  
設校書二十五年改院為府定設詹事少詹事府丞并  
主簿錄事左右春坊大學士左右庶子左右諭德左右  
中允左右贊善左右司直郎司經局洗馬校書正字二  
十九年添設春坊左右清紀郎左右司諫通事舍人各  
官皆以東宮輔導侍從為職而凡事務俱統于本府

事例



洪武初置大本堂令皇太子親王講學設官授經後皇太子居文華殿各官分班入直并選秀才入充伴讀天順以後止令東宮官與翰林院官分班講讀

永樂初定講讀儀春坊官與翰林院官日分二員講書以尚書春秋通鑑大學衍義貞觀政要等書進講須要纂其事之始終直述大義輯成篇章進呈御覽畢然後赴文華殿講說三師三少及詹事府官鴻臚寺并每科給事中一員侍立進講畢衆官齊出及有召問亦須前



卷一百八十  
項官員一同進出如有獨進并獨員留後者許給事中  
鴻臚寺官并司直郎清紀郎糾劾

凡講讀畢每遇上位發落過五府軍政六部緊要事務  
及撫諭四夷恩意具大經大法詹事府官同春坊官將  
緣由於文華殿講書之後衆官未退之時一一敷陳焉  
凡東宮官屬舊制與翰林院官互兼職事

凡遇正旦冬至節行慶賀禮并進厯進春等事本府例  
該啓皇太子知必先奏聞俟得旨方具啓本進



凡遇皇太子千秋節行慶賀禮奏啓本同進

凡講讀纂修考試等事皆與翰林院同

凡本府官於午門內出入洪武二十六年令給牌為驗後  
不給

凡本府合用紙劄每月於刑部關給筆墨印色順天府  
買辦送用

### 南京詹事府

後不設官止設主簿一員



左春坊

右春坊

司經局

建置俱見詹事府

事例

凡正旦冬至皇太子千秋節兩坊局官二員與翰林院  
官於文華殿侍班正旦冬至千秋節禮部官進箋并進  
歷進春通事二員舉案



凡講讀纂修考試等事坊局官皆預詳見翰林院

凡坊局官吏俸糧舊於禮部帶支後奏准俱從詹事府  
支給

凡紙劄印色等項俱於詹事府分給

南京左春坊

南京右春坊

南京司經局

後俱不設官



順天府

永樂初改北平府為順天府十年陞正三品衙門官制  
印信皆如應天府

事例

凡每月朔日早朝府尹面奏老人坊廂長聽宣諭承旨  
出至承天門外傳旨宣諭

凡每歲立春先一日本府官迎春於東直門外至日上  
御奉天殿府尹進春次詣東宮進春皆如儀太皇太后皇



太后中宮親王春俱捧在午門外司禮監官捧進

凡親耕耤田上秉耒行三推禮府尹捧青箱隨播種于  
後

凡每歲春遣祭先農春秋祭宋丞相文天祥及祭元世  
祖皆府尹行禮

凡清明節七月十五日十月初一日祭厲壇合用守壇  
官軍本府官先期面奏於各營官軍內差撥

凡鄉飲酒禮舊制每歲正月十五日十月初一日舉行



後以初一日時享太廟府尹府丞例該陪祭奏准移於初二日舉行如儀

凡每三年鄉試本府奏請翰林院官為考試官先一日府丞與考試官及各執事官早朝面辭入院三場題目皆府尹面進事畢府丞與考試等官面見捧鄉試錄進太皇太后皇太后中宮東宮親王鄉試錄俱在午門外奏請司禮監官捧進仍奏各官及舉人於本府筵宴明日引諸舉人赴御前叩頭



凡官吏監生人等告依親省祭給假患病等項各該衙門開具手本送本府給與文引照回原籍

凡公侯駙馬伯家人給過文引本府官每季具揭帖於御前奏進

凡各處赴京奏訴之人應遞解者法司送至本府解發凡所屬都稅宣課等司批驗茶引等所每年收到商稅等鈔按季解本府類解戶部交納取具批收附卷備照凡清理軍役本府通判一員專管



凡清理匠役本府通判一員專管

凡太僕寺寄養馬匹本府通判一員專管

凡易州廠柴炭本府通判一員專管

凡漕運河道自通州抵直沽本府通判一員專管

凡光祿寺供用諸物在城兩縣給料製造或給價買辦  
惟衍聖公張真人下程禮部行本府自送

凡各廟寺宮觀廟戶弘治十一年奏定除丈廟城隍廟  
照舊其餘六戶以上者各存留十戶增多者盡行裁革



## 應天府

國初改集慶路為應天府設知府同知通判及經歷知事照磨等官後添設治中推官洪武三年陞正三品衙門賜銀印改知府為府尹同知為府丞二十七年添設檢校本府官本府官職專親民之事惟以京府事重品秩體貌視在外諸府特異云

## 事例

凡本府每歲祭歷代忠臣府尹不具祭服用便服行禮



凡本府鄉試永樂後不進題


凡本府迎春行禮畢其春牛春花等物永樂後俱進太廟內官收送至京

凡南京外羅城舊例俱南京工部修理景泰六年奏准行本府屬縣暫撥人夫兼用成化九年奏准自馴象門起八門屬本府修理滄波門起八門屬工部修理又令鎮江寧國二府及廣德州每年各出銀六十兩送本府收貯以備修理之用



凡太僕寺官歲終比較馬匹成化十四年奏准府尹府丞許納米贖罪

凡南京戶兵工三部官銀俱寄收本府永豐庫成化十八年設大使一員僉撥庫子十名





明會典卷一百七十



# 欽定四庫全書

史部

明會典卷一百七十一  
三

詳校官編修臣裴謙

編修臣程嘉謨覆勘

總校官知縣臣繆琪

校對官中書臣方大川

謄錄監生臣黃鏊



欽定四庫全書

明會典卷一百七十一

光祿寺

國初置尚食尚醴二局又置宣徽院設院使同知院判  
典簿以統二局又改光祿寺正四品衙門設卿少卿寺  
丞并主簿職專膳羞宴享等事又移太常司供需庫隸  
之洪武四年又置法酒庫設內酒坊大使副使八年改  
寺為司陞從三品衙門改主簿為典簿又設錄事置大



官珍羞良醢掌醢四署每署設令丞監事又設孳牧所  
大使副使局庫俱革三十年復改司為寺署令為署正  
又設司牲司仍改孳牧所為司牧局

事例

凡本寺供用牲口果菜等物上林苑四署照數進納供  
用不足於民間買辦洪武間令本寺買辦比與民間交  
易價錢每多一分永樂間差內官一員同本寺署官厨  
役領鈔於在京附近州縣依時價兩平收買洪熙宣德



以來止差署官厨役照前收買成化四年令光祿寺買辦物料委堂上官一員及戶科給事中監察御史各一員會同估計時價錢鈔兼支具數奏領收買如有奸弊科道官指實叅奏又令本寺每季預關內庫錢鈔專委堂上官一員收掌遇買物料聽戶科給事中及巡視御史批押印信小票委該署官一員齎領收買四年令本寺買辦一應物料姦頑之徒稱是保頭等項名色在街強賒作弊害人者枷號三箇月滿日從重發落



凡買辦錢鈔每歲該錢一千八百萬文鈔四百萬貫俱  
赴天財庫領回收貯該科道官會同本寺委官每日買  
辦各項雜物等用

凡本寺收納一應物料堂上官一員會同戶科給事中  
監察御史各一員於本寺大烹門內驗收

凡本寺供應物料文卷每月監察御史一員照刷具奏  
凡各處解納果品厨料有從南京光祿寺轉送者正統  
九年令不拘先後送納南京徑撥馬快船裝送



凡每年冬月藏冰見禮部精膳司職掌

凡供用器皿俱該工部造辦後因不敷本寺自行買料雇匠相兼造用

凡扛擡物件永樂十八年奉旨不許撞磕損壞違者治罪

凡本寺進一應食物并筵宴茶飯等件器皿正統二年勅令俱用印信揭帖明白開寫件數照進仍寫內官某長隨內使某交領待用畢六尚司務要點檢如數交付



尚膳監照原揭帖數點發出收領若不如數隨即具奏  
挨尋務見下落或有失誤損壞亦要明白交還鈐銷以  
憑稽考敢有隱瞞私用不發出及不舉奏者一體治罪  
凡每月奉先殿薦新品物從太常寺轉送供薦

凡祭天地社稷山川享太廟省牲先二日本寺卿與太  
常寺卿同於御前奏知省牲畢次日仍同復命

凡聖節正旦冬至或吉慶筵宴所用諸品膳羞酒醴從  
禮部提調本寺供辦



凡諸蕃國朝貢等使客并四夷來降土官人等管待茶飯物料支送下程俱從禮部行本寺支送

凡郊祀時享祭山川等神陪祀官胙肉從本寺分給如慶成有宴胙肉供用不分

凡遇節令文武百官例有宴如遇立春日春餅正月元宵圓子四月八日不落莢五月端午涼糕粽子九月重陽糕臘月八日麪俱先期奏請至日早朝畢復奏辦完凡修實錄成賜宴進士恩榮宴及經筵日講東駕講讀



酒飯俱本寺造辦

凡早朝文武官及各王府鎮巡等官公差人員見辭奉  
旨與酒飯俱本寺備辦祇待

凡大臣考滿差使等項賞勞羊酒疾病賜米肉醬菜等  
物俱本寺辦送

凡喪葬合用祭祀品物從禮部行本寺備辦

凡厨役懸帶雙魚銅牌本寺具手本於內府印綬監關  
領



凡厨役老疾代替逃亡勾補等項俱從禮部查行

凡各王府缺典膳吏部行本寺於年深厨役內揀選送用

凡傳奉聖旨本寺附錄文簿不補本覆奏

凡本寺官吏俸糧俱於禮部帶支

### 大官署事例

凡每歲浙江等處嘉興等府解納白熟粳米四萬九千石粟米五萬五千石收充每日造飯祇待內府衙門官



吏監生錦衣衛將軍勇士及各監局等衙門軍民等匠  
食用

凡直隸等處解納粟穀八千石稻穀二千石黑豆五百  
五十石菜豆二百石收充餽養牲口等物用

凡野味每歲南直隸廬州等府額辦活鹿八十四隻解  
至工部轉送收養供應上用

凡供用牲口每歲浙江等處解納鵝三萬二千五十隻  
收養供辦奉先殿等處祭祀并各宮膳羞及外夷人員



筵宴下程等用折色鵝一隻銀三錢

凡每歲時節各墳并內承運庫教場馬神廟等處祭祀  
本署出票於良醞掌醢差三署支白麪六萬七千三  
百五十斤錫糖五百三十四斤赤豆四十四石二斗五  
升造辦祭物

凡旂竿蠟燭二寺飯堂濟貧日逐給與粟米六石

凡筵宴每歲慶成宴該用上中下卓共二千五百卓千  
秋節并節令等項每宴共一千二百卓



凡每歲該用木柴六百八十萬斤木炭三萬四千斤俱  
工部坐派臺基廠日逐領用

本署原額厨役三千一百二十名

珍羞署事例

凡每歲南直隸常州等府解納白熟粳米一千三百五  
十石白熟糯米四百五十石黃豆一千五百五十石菜  
豆二千四百石青菜豆四百石白豆二石山黃米七十  
石大青黃豆二十石赤豆六百石收辦奉先殿供養并



各宮膳羞等用

凡直隸等處解納黑豆九百石葛秫六百石收充餵養牲口等物用

凡福建等處解納白沙糖五萬七千斤黑沙糖四萬五千斤蜜四萬七千斤鹽滷三千斤茶葉一萬五千斤先春等茶芽三千八百七十八斤雞彈一十二萬箇收充供養膳羞茶飯等用

凡野味每歲南直隸廬州等府額辦天鵝二百六十七



隻解至工部轉送收養供應上用

凡乳牛原額該兵部坐派直隸等處解納一百九十九隻擠乳造辦酥油乳餅等物充供養膳羞等用

凡每歲時節各處祭祀本署出票於良醞掌醢二署支白麩二萬三千五百四十一斤香油餚糖俱四千五百二十四斤造祭品用

凡每歲該用木柴二百五十萬斤木炭一百萬斤領用與大官署同



本署原額厨役一千四百六十四名

良醞署事例

凡每歲浙江等處解納白熟糯米一萬二千石菜豆五百石蕎麥五十石收造麴酒供奉先殿等處祭祀并進宮及給內外官員祇待四夷筵宴下程各監局官匠人等用其內外官員官匠人等每歲自五月至八月停給凡直隸等處解納小麥三萬六千石收造白麴供大官珍羞掌醢三署支用



凡牲口該浙江等處解納綿羯羊一萬一千隻每隻重三十斤祭祀羊每隻重五十斤雞三萬七千九百隻收養供大官署支用折色羊一隻銀一兩祭祀羊一隻銀四兩雞一隻銀三分

凡料食該直隸順德等府解納菽豆九千石豌豆二百石大麥三百石蜀秫八千石收充養牲口磨驢等用

凡拽磨用驢原額九十一頭遇有倒死瘦損不堪者該順天府派所屬州縣換補



凡磁器河南等處彰德等府每歲解納缸五百隻罈三萬二千七百箇酒餅一千八百五十箇

凡每歲南京差官厨運送官細煮酒一十萬餅收充各項支用

凡每歲該用木柴二百二十萬斤領用與大官署同本署原額厨役一千二百五十名

掌醢署事例

凡每歲該直隸等處常州等府解納白熟糯米一千石



白芝蔴七百石芝蔴一萬三百石黃豆三百九十石大  
麥三百石大青黃豆二十石收造錫糖香油醬醋供用  
凡江西等處解納蓮肉三萬斤膠棗六萬六千五百斤  
牙棗三千斤栗子八千斤紅棗八萬八千斤柿餅八萬  
七千斤荔枝圓眼各三萬三千斤榛子六萬二千斤銀  
杏一萬三千斤核桃十五萬九千斤乾葡萄一萬八千  
斤菱米九千斤帶殼蓮子五百斤尖頭榛子五百斤松  
子一萬四千斤木耳一萬三千二百斤香蕈一萬斤菜



筭十萬五千斤川椒八千五百斤花椒九千斤杏仁七  
千六百斤上鱸三萬五千斤茴香三千斤硝砂一千五  
百斤火薰猪肉一萬五千五百斤乾薑九百五十斤薄  
荷二千四百斤蒔蘿一千斤蘑菇四千四百斤大蒜一  
千斤青鹽十五萬斤白鹽四萬斤乾魚十四萬八千斤  
鱖魚一萬斤鰱魚九百八十四尾收充供養茶飯齋醮  
祇待等用

凡浙江等處解納祭祀猪一百五十口每口重一百五



十斤肥豬一萬八千九百口每口重一百斤收充大官署支用折色祭祀豬一口銀五兩肥豬一口銀一兩七錢五分

凡磁器河南等處彰德等府解納缸五十隻罈一萬五千七百箇酒餅一千二百五十箇

凡每歲該用木柴六十萬斤領用與大官署同

本署原額廚役一千五十名

司牲司養牲軍人六十名民人五十名



司牧局養牲軍人一百五十名

南京光祿寺大官署事例

凡奉先殿供養每月用鵝四十隻雞三百三十隻羊七隻猪二口

凡每歲奉先殿薦新該南京太常寺送到活鹿獐兔羆猪子鵝等牲口供用

凡每歲時節若王妃及內官墳所開閉庫藏并大小教場新江口等處祭祀該用品物於本寺良醢等三署關



支猪五十一口羊五十一隻白麪一千九百五十斤豆粉三十斤沙糖五十斤

凡每歲該湖廣浙江廣西并直隸寧國等府納活鹿一百五十二隻醃臘解赴光祿寺供用近例每鹿一隻徵收銀二兩解送南京工部轉送本署類解工部轉送光祿寺交收又每歲該直隸滁州衛進鵝鵠八隻鴈鶩一千一百隻內除奉先殿薦新外其餘附南京尚膳監解送光祿寺交收又本寺司牲司送到綿羯等羊三十隻



宰淨送本寺掌醢署醢造亦解光祿寺交收

凡每歲直隸松江等府納次等粳米一萬七千石白熟  
粳米六十石造飯祇待南京內府各衙門官吏監生及  
軍民匠役食用又三日一次宰猪一口作各官食用又  
每歲闕本寺掌醢署醬一千八百斤醋一千八百餅花  
椒六十八斤八兩鹽二千一百斤并醋蒜苗青菜作官  
吏監生下飯

凡牲口料食該應天府屬縣納稻穀三百石粟穀一百



石

凡歲用木柴該龍江瓦屑壩抽分竹木局關支一百八十萬斤應天等府出腳價銀運納

本署原額厨役二百六十六名女戶三名

珍羞署事例

凡每歲奉先殿供養該應天等府納白熟粳米八石黃豆一十三石日逐造辦雪糕等物又養乳牛一百五十隻擠乳造辦酥油及常州等府納茶葉共七十斤又南



京太常寺每歲送到雞鴨子鮮菜等物

凡每歲時節各處祭祀造辦茶食二百五十五斤大頂花七頂響糖芝麻纏各二十五箇雪梨七十五斤鮮菱七十五斤橘子七十斤

凡每歲應天等府納蜂蜜九千斤造櫻桃等煎三起共四千九十八斤一十二兩南京尚膳監差官送京供應又福建建寧府納茶芽五十二斤解光祿寺交收

凡每歲四月內南京太常寺送到雉雞十隻十月內送



到活鴈十五隻內除造辦薦新外其餘於十一月內宰  
送本寺掌醢署醢造解光祿寺交收又直隸滁州送到  
活天鵝六隻活鴈三十八隻內除薦新外其餘付南京  
尚膳監解光祿寺交收

凡每歲湖廣江西并直隸安慶等府送到天鵝四百五  
十九隻南京工部轉送本寺醢臘解光祿寺近例每天  
鵝一隻收價銀五錢類送工部轉送光祿寺交收

凡本署歲用木柴一十三萬九千六十斤關支運納與



本寺大官署同

本署原額厨役二百四名女戶二名

良醞署事例

凡每歲該松江等府納白糯米二千三百石又直隸太平等府納菉豆四十石供造酒用

凡造酒計御細煮酒三十六百餅充奉先殿供養及各處祭祀又官細煮酒一十萬餅解光祿寺交收其酒餅直隸寧國府解納



凡造白麪該直隸徽州府納小麥一千二百石造麵一  
十萬六千二百斤本寺珎羞大官二署按月作供養祭  
祀及掌醢署支作造醬用其磨牛一十一隻該直隸鳳  
陽等府解送本寺司牲司寄養凡牲口料食該應天府  
納稻穀四十石

凡奉先殿供養每月本署官帶領厨役與京縣鋪戶買  
雞七十四隻及孝陵神官監送到白烏雞二十二隻充  
本寺大官署按月支作奉先殿供養其合用羊隻亦該



鋪戶買辦及每月三次南京江東門宣課司抽分送到  
亦准大官署支用作供養并時節各處祭祀

凡本署歲用木柴五十萬斤關支運納俱與本寺大官  
署同

本署原額厨役一百八十七名

掌醢署事例

凡每歲京縣納芝蔴六十石黃豆四十石稻皮八千斤  
打造香油醬醋充奉先殿供養及涼樓醬菜等用又兩



淮鹽運司該納青白鹽四萬斤樣鹽二千斤亦充涼樓醃菜等用

凡每月本署官帶領厨役與京縣鋪戶買辦荔枝圓眼菜豆芝麻等項亦造供養及時節各處祭祀用

凡每歲本寺大官署送到獐兔雞鴈綿羯等羊共四十八隻醃造及直隸通州河泊所送到鱮魚一千尾除用十一尾薦新外其餘醃造俱解光祿寺交收

凡每歲該直隸丹陽縣納蒜苗五萬根蒜頭四萬箇及



南京江東宣課司納蘿蔔四百斤醃造俱充本寺大官署支用

凡每月三次該南京江東宣課司抽分活猪三十五口於西安等門并本寺良醞署支糟糠等物喂養充本寺大官署支用

凡每月聚寶門等處飯堂濟貧放支香油一百五十斤青鹽一百八十斤醬一百八十斤醋一百五十餅花椒三十六斤



凡本署歲用木柴四萬斤關支運納俱與本寺大官署  
同

本署原額厨役一百四十三名

司牲司事例

凡養乳牛原額二百隻委官百戶一員督軍擠乳供應  
凡養綿母羝羊原額一百二十隻并孳生羊羔每年編  
取七十隻遇二月初一日揀選一隻薦新外春秋二季  
各羊毛剪送南京司設監交收



凡牲口該雞一百六十八隻鵝二百三十五隻鴨一百九十隻內使一員督軍餵養其雞鵝鴨彈送本寺掌醢署醢造解光祿寺交收

凡牛羊等牲口歲用料食黃豆一千五百石應天府納菜豆四百石直隸太平府納稻穀五百石亦應天府納細稻草六萬六千二百包直隸安慶等府納用

本司養戶二十六名軍人一百名

### 太僕寺



洪武六年置太僕寺從三品衙門在滁州設卿少卿寺丞等官職專牧馬之事三十年置北平及遼東山西陝西甘肅等處行太僕寺永樂元年改北平行太僕寺為北京行太僕寺十八年改稱太僕寺洪熙元年復稱北京行太僕寺正統六年定今名以原置在滁州者為南京太僕寺

所屬

永樂四年設北京苑馬寺領清河金臺等六監常春順



義等二十四苑十六年裁革以其馬屬北京行太僕寺

牧於民間今所領府衛州縣共三百六處在京順天府

三州二  
十四縣

金吾左衛金吾右衛富峪衛濟陽衛大寧前衛

大寧中衛武成中衛龍驤衛神武左衛神武後衛義勇

左衛義勇右衛義勇中衛義勇前衛義勇後衛燕山左

衛燕山右衛燕山前衛忠義左衛忠義右衛忠義前衛

忠義後衛大興左衛羽林前衛寬河衛會州衛蔚州左

衛在外直隸保定府

三州十  
七縣

真定府

五州二  
十六縣

順德府

九  
縣



廣平府

九縣

永平府

一州五縣

河間府

二州十六縣

大名府

一州十縣

河

間衛德州衛德州左衛大同中屯衛瀋陽中屯衛真定

衛定州衛永平衛撫寧衛盧龍衛東勝左衛東勝右衛

山海衛開平中屯衛興州左屯衛興州右屯衛興州前

屯衛興州後屯衛興州中屯衛涿鹿衛涿鹿左衛涿鹿

中衛定邊衛武清衛忠義中衛鎮朔衛薊州衛通州左

衛通州右衛神武中衛遵化衛滄州千戶所武定千戶

所沂州衛大寧都司保定左衛保定右衛保定中衛保



定前衛保定後衛茂山衛營州左屯衛營州右屯衛營

州中屯衛營州前屯衛營州後屯衛寬河千戶所山東

布政司濟南府

四州二  
十三縣

兗州府

四州二  
十一縣

東昌府

三州十  
五縣

河南布政司開封府

一州  
七縣

彰德府

一州  
三縣

衛輝府

六  
縣已上

各屬俱有專管馬政官各府通判一員各州判官一員

各縣縣丞或主簿一員各衛指揮一員各所千戶或百

戶一員弘治十三年各衛止委指揮一員分管

少卿一員巡視京營及各邊騎操馬匹一員巡視順天



府所屬寄牧馬匹俱領勅一年更替

寺丞一員管順天府所屬寄牧馬匹一員管京衛孳牧  
騎操馬匹一員管保定府所屬一員管真定府所屬一  
員管順德廣平二府所屬一員管河間府所屬一員管  
永平府所屬一員管大名府所屬一員管山東濟南府  
所屬一員管山東兗州府所屬一員管山東東昌府所  
屬一員管河南開封彰德衛輝三府所屬俱三年更代  
每歲春二月秋八月出巡照依兵部馬政事例逐一興



舉歲終比較遇更代之年具所行事蹟造冊繳部查照  
其山東等都司所屬衛所各從本司委官提督遇有解  
到孳生馬匹照例發屬寄養

事例

見兵部車駕司

南京太僕寺所屬

洪武七年設羣牧監隸本寺二十三年定為十四牧監  
九十八羣二十八年裁革以其馬令有司提調孳牧今  
所領府衛州縣總八十二處在京應天府八縣在外江南



直隸鎮江府

三縣

寧國府

一縣

太平府

三縣

廣德州

一縣

江北直

隸鳳陽府

四州十縣

揚州府

三州六縣

淮安府

二州九縣

廬州府

二州

五淞州

二縣

和州

一縣

徐州

四縣

滁州衛已上各屬專委管馬

官員並與太僕寺同

分管少卿一員寺丞四員出巡交代等項俱與太僕寺

同

明會典卷一百七十一



欽定四庫全書

明會典卷一百七十二

鴻臚寺

國初置侍儀司為從六品衙門職專朝儀宣贊等事洪武九年改為殿庭儀禮司設使副承奉鳴贊序班十三年承奉革添設司儀更使為司正副為左右司副三十年始改鴻臚寺陞正四品衙門定設卿少卿丞主簿司賓署丞司儀鳴贊序班後又設外夷通事亦隸



焉

事例

凡行朝賀等禮本寺合用官員每日奉天門朝參掌禮  
堂上官一員鳴贊一員糾儀序班二員齊文武班序班  
各三員東西引入并舉案等項序班各七員傳贊序班  
一員午門外鳴贊二員糾儀序班二員

朔望日奉天殿朝參掌禮堂上官一員鳴贊二員糾儀  
序班二員齊文武班序班三員傳贊序班四員奉天門



外鳴贊二員糾儀序班二員

萬壽聖節掌禮堂上官一員宣表目官一員宣表官一

員祝贊官一員

已上俱堂上官

內贊鳴贊一員對贊鳴贊二員

接贊鳴贊三員東西傳贊鳴贊各四員陳設表案序班

四員玉帛案序班四員陳設方物序班二員導案序班

二員殿前序班四員引進表官序班四員齊文武班并

引監生人等序班共四員門外催人序班共四員東西

角門序班各一員引進表官并外夷人員通事序班十



二員正旦冬至同但添傳制官一員

東宮千秋節掌禮堂上官一員宣箋目官一員宣箋官

一員祝贊官一員典儀官一員

已上俱堂上官

內贊鳴贊一員

通贊鳴贊二員接贊鳴贊二員東西傳贊序班各五員

陳設箋案序班四員玉帛案序班四員陳設方物序班

二員導案序班二員殿前序班二員引進箋官序班四

員齊文武班并引外夷人員通事序班十員正旦冬至

同但添傳令官一員



進歷掌禮堂上官一員內贊鳴贊一員通贊鳴贊二員  
贊進歷鳴贊一員東西傳贊序班各二員引進歷上殿  
官序班二員設歷案并舉案序班四員東西引進歷官  
序班各二員文武班散歷序班各二員引文武官序班  
各二員引外夷通事序班八員進春同

冊封遣官傳制掌禮堂上官一員內贊鳴贊一員通贊  
鳴贊一員對贊鳴贊二員設冊節案并舉案序班十員  
引遣官序班二員齊文武班序班各三員傳贊序班二



員奉天門外鳴贊二員

進士傳臚掌禮堂上官一員傳臚官三員

俱堂上官

內贊鳴

贊二員通贊鳴贊二員對贊鳴贊二員贊進士行禮鳴

贊一員東西引進士序班一員舉黃榜案并接送序班

四員導案署丞主簿三員齊文武班序班各三員東西

傳贊等項序班各三員進士上表同但無傳臚官

經筵掌禮堂上官一員內贊鳴贊二員舉御案序班二

員舉講官案序班二員侍班序班二員



慶成宴掌禮堂上官一員其餘堂上官俱侍班內贊鳴贊二員接贊鳴贊五員侍班序班二員殿上東西宴席一班至七班執事序班共十八員東西角門序班共四員丹墀糾儀等項序班共十員殿內外丹陛丹墀各東西傳贊序班共八員

禮部中府救護通贊鳴贊二員對贊鳴贊二員陳設序班四員執鼓侍班序班四員齊官員人等班次等項序班共二十六員



凡大朝賀本寺堂上官先入候上御華蓋殿奏執事官  
行禮畢奏請陞殿候上出御奉天殿外贊贊排班班齊  
四拜內贊贊進表贊宣表目堂上官一員宣表目訖內  
贊贊宣表外贊贊跪堂上官一員宣表訖外贊贊俯伏  
堂上官一員于露臺祝贊訖外贊贊俯伏四拜堂上官  
一員奏傳制由殿東門出至丹陛稱有制外贊贊跪傳  
制畢外贊贊俯伏贊三舞蹈山呼四拜卿奏禮畢外贊  
贊禮畢萬壽聖節行禮同惟不傳制



凡每日常朝文武百官入至奉天門丹墀分班序立上御座鳴鞭訖本寺卿贊入班鳴贊贊拜叩頭畢百官仍分班序立本寺堂上官於御前宣奏午門外謝恩見辭人員數畢門外鳴贊贊班齊五拜三叩頭禮畢卿贊奏事各衙門官以次奏事畢其王府及鎮巡等官差來并外夷朝貢等項人員該賜酒飯者堂上官引至御前宣奏承旨若文武官員人等該御前行禮有賜酒飯者堂上官承旨畢卿仍贊奏事奏事畢初鳴鞭後如有太



常寺奏忌辰及大臣遣祭復命畢方贊入班有王府進表及出差人繳節守衛官進事件幅帖尚寶司等衙門請寶等項畢方贊奏事

凡大朝賀朔望日朝參傳制及太常寺奏祭祀本寺官俱先一日於御前奏請陞殿

凡大朝賀文武百官及外夷人員先二日赴朝天宮等處習儀本寺官於御前奏知

凡謝恩見辭官員人等先於本寺報名該面見辭及領



勅繳勅或賜酒飯者預先具白本題知次日早俱於午門外行禮俟常朝官叩頭畢本寺官具名數帖宣念行禮畢其該面謝見辭者仍引赴御前鳴贊贊叩頭或賜勅與酒飯者俱贊叩頭

凡在外來朝官員人等皆於本寺預先演禮然後引入行禮其公差及給由官吏先將文冊投下明日引入

凡王府并鎮守守備備倭等官外夷宣慰宣撫招討等司進貢賫本人員天下諸司朝覲給由官員并奏繳軍



職文憑稽考公文完銷勘合及總兵等官會奏聲息等項本冊俱赴本寺引奏

凡常朝官員及午門外謝恩見辭等項官員人等或有失儀該侍班序班隨即拏人劾奏其在京堂上官具本劾奏

凡在外總兵等官奏報捷音本寺官引差來人於御前宣奏

凡復命朝見人員繳勅進題本及四夷朝貢人員進番



字文書俱本寺官接至西陞授內官捧進

凡正旦冬至節令百官有例放假本寺官面奏承旨訖  
贊百官入班行叩頭禮其元宵節賜假贊五拜三叩頭  
禮

凡節令賜百官宴本寺官承旨訖贊百官入班行叩頭  
禮宴畢仍贊叩頭

凡經筵大寒暑停講本寺承旨至開講時具本請旨

凡給賜文武官誥勅本寺官舉案引至御前候該部官



奏過贊叩頭畢仍舉案引出給散

凡公侯伯受封襲封上表謝恩本寺官舉案引至御前  
俟禮部官奏過贊五拜三叩頭禮畢捧表至東陞授內  
官捧進

凡外夷進貢方物本寺官引至御前俟禮部官奏過贊  
叩頭畢舉案至東陞授內官捧進

凡賞賜外夷人員衣服綵段等件本寺官舉案引至御  
前俟禮部官奏過贊叩頭畢仍舉案引出給散



凡本寺俸糧舊於禮部帶支後奏准本寺自行收放

南京鴻臚寺事例

凡遇萬壽聖節正旦冬至行慶賀禮俱先於南京朝天宮習儀至期行禮本寺堂上官祝贊鳴贊贊禮序班執事其禮與在外同

凡東宮千秋節行慶賀禮本寺堂上官祝贊鳴贊贊禮序班執事其禮亦與在外同

凡南京各衙門遇萬壽聖節正旦冬至進表及東宮千



秋節進箋於南京禮部行禮俱本寺掌行

凡南京各衙門赴南京禮部中府行救護禮俱本寺官  
贊禮

凡本寺官吏俸糧與鴻臚寺同

明會典卷一百七十二